



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDXCVII.

urn:nbn:de:hbz:466:1-42840

ANNO M D X C V I I.

23. Sept.
8. Oct.10. 2. orat.
de laud.
B.V.

Rosariū.

Suadere,
vt ad B.
V. recur-
ratur pro
rebus
amissis.de laudib⁹
Dei Ma-
ris.
B.V. pu-
ritate co-
lere.

Bona quidem est suavis illa fiducia, in cul-
tu B.V. Matris: ac confidentia quæ libertatis an-
sa est aliquando, laudari non debet. Hoc anno in
Collegio Rom. 23. Sept. obiit Celsus Fimetus Se-
nensis: & breui post hunc 8. Octob. Marcus Ant.
Rodulphus. De his vide Incitamenta n. 87. Magno
hic erga DEVM, ac DEI Matrem amore oculisque
valde apertis est opus. S. Epiphan. dat hoc nomen
Deiparæ, quod sit *multocula Seraphim incomprehen-
sæ visionis*. Hæc nobis amorem Seraphinorum næui
omnis impatientem, hæc multos oculos, eosque
vigiles, vt impetret, enixè roganda est. Ita vigili ad ex-
trema vsq; oculo fuit noster S. Ioannes de Goto hoc
anno pro Christo occisus Martyr 5. Febr. qui Patri
suo extremum valedicens morti iam proximus, ei
B.V. rosarium pro munusculo dedit, etiam hoc er-
ga Patrem amore suum erga DEI Matrem amorem
testatus.

352. Repertæ sunt, ope B. V. sæpè feliciter, ex-
res quæ fuerant amissæ. Oenipontana anni huius
historia in rem præsentem sic habet: Oves aliquot
amissas alterum iam diem rusticus quærebat. Præ-
stò fuere, qui illi suaderent, malefici operam, vt ad-
hiberet; id ille religioni sibi ducens, nostros con-
suluit. Suasere vt certas preces B. Virgini offerret.
Accepto consilio, syluosum collem repetijt, obuiaf-
que quas quærebat, oues habuit. Adeò prompta
vbique est DEI Mater ad iuuandum: vt præclare il-
li dixerit S. Ephræm Episc. Edessenus: *æue, spes om-
nium proborum aduersis casibus afflictorum.*

353. P. Iosephus Anchiera hoc anno 1597. 9.
Iunij desijt viuere, quamque olim puer voto Dei-
paræ dicauerat puritatem secum abstulit illibatam;
citiùs

citiùs moriturus, nisi, ut fertur, à Deipara servatus fuisset. Tamuis enim illum sibi epulum fore minatis, sui securus cum esset, ab illis rogatus; ecquid non timeret, respondit: Matris Dei patrocinio sperare, se non interficiendum: namque confidere illam non permissuram vitam sibi eripi antequam ea quæ de illius vita, & laudibus meditabatur perfecisset. Meditabatur autem totam à capite ad calcem usque B. Virginis vitam latino elegiaco versu conscribere, seu componere potius: nam scribere inter illos barbaros non dabatur. Memoria illi pro charta, & calamo serviebat. Et quæ istic mente composuerat, redux postea descripsit, & poluit, bis mille octingentis, & sex distichis Deiparæ Conceptionem, Natiuitatem, & omnia usque ad Coronationem in cælo mysteria complexus, e quibus nihil superest, nisi vltima, quâ Virgini omnia sua dicat; apostrophe. ea sic habet.

En tibi, quæ voui, Mater sanctissima, quondam

Carmina, cum sæuo cingerer hoste latus.

Dum mea Tamuyas presentia mitigat hostes.

Tractoque tranquillum pacis inermis opus.

Hic tua materno me gratia fouit amore.

Te corpus tutum, mensque regente fuit.

Sapiùs optavi, Domino instrante, dolores.

Duraque cum sæuo funere vineta pati.

At sunt passa tamen meritam mea vota repulsam.

scilicet Heroas gloria tanta decet.

Quàm tenerè, ac dolenter ad B. V. cor adspiret dum CHRISTVM meditatur; accipe ex autographo ipso P. Iosephi Anchiætæ ex Paradiso Mariano Balingen à pag. 190. & felicem illius in B. V. amore venam, vel ex hisce analectis introspice. Balinghen ait autographum etiamnum asseruari.

Illam colere fiducia inter hostes.

Poëta.

De

De capite crucifixi.

Aue, Matris cor benignæ

Quod crudeles pungunt spinæ

Nati fixæ capiti

Illi caput perforarunt,

Tibi pectus lacerarunt,

Mundi culpâ perdit.

Fige meum, ne vagetur

Intellectum, sed rimetur

Plagas tuas dulciter,

Tu cum IESV, IESVS tecum

Maneatis semper mecum

Amplectendo fortiter.

De manu dextera.

Aue, Matris cor languentis

Quod diris claus tormentis

Dextræ manus afficit.

Felix claus, qui diuinum

Natum simul, & benignum

Matris pectus conficit.

Pia Mater Redemptoris

Tui leniter amoris

Mihî manum adhibe.

Tange lepram, & mundabor,

Tange vulnus, & sanabor,

Et peccantem cohibe.

De sinistra.

Aue, partus Matris almæ

Cui sinistrum vulnus palmæ

Dirum vulnus imprimi

Iste claus tibi impressus,

Quo perimitur IESVS,

Culpâ mortem perimit

Tuo, Genitrix, dolore

Salu.

Salutarique timore

Carnes meas faucibus.

Vt peccata caueantur

Dum tremenda formidantur

Domini iudicia.

De pede dextro.

Aue Matris cor sacratum

Quod contemplor cruentatum

Dextri pedis cuspide.

Ad te currit cor amantis

Animusque singultantis

Te suspirat auidè.

O si tuæ castitatis

Suavis odor hamatis

Me sagittis feriat

Vt extincto carnis bello

Tua pietas in cælo

Me victorem capiat.

De sinistro.

Aue Matris cor afflictum

Quod cum nato grauem ictum

Læui pedis pateris

Nullam culpam cum patrâris

Omni pœnâ cruciaris

Omni plagâ læderis

Ne me culpis maculatum

Me sceleribus fœdatum

Pœnis dede meritis.

Vt cum mihi humilitate

Humilique paupertate

Tuis addar subditis.

De latere.

Aue Matris cor honestæ

Cuius, Simeone teste

C c

Ensis

Ensis fudit intima .
 Dum defuncti latus nati
 Rupit militis armati
 Hasta crudelissima
 In te spina coniurarunt,
 Clani, Crux, & quæ fædarunt
 Flagra dura Filium
 Ut cum nato morienti
 Maternæ superfit menti
 Nullum refrigerium.

lib. 2.
 pag. 113
 Inter oc-
 casiones
 implora-
 re opem
 B.V.

If. 48.9.

Serm. de
 S. Maria.

354 Iosephi Anchietæ, vt ait eius vitæ, men-
 tem tractatione sacrarum illius laudum purissima
 Virgo ab omni, quæ immineret (apud nudas illas
 nationes) labe puram intentatamque seruauit. Sic
 Sacerdoti fædissimè tentato, ideoque querulo, sua-
 sit vt ne peteret tentationes auferri, sed illius prou-
 dentia totum relinquens, peteret cum tentatione
 prouentum. Quod scio, subiunxit de se loquens,
 alteri contigisse, qui longo tempore inter vehemen-
 tes ac perpetuas occasiones conflictatus, Filij Ma-
 trisque diuinæ auxilio non modo lapsus non est,
 sed præterea etiam pignus firmum accepit, fore vt
 nunquam in eiusmodi periculis laberetur. Sacerdos
 consilio paruit: & vicit. Adeò meditata B. Virg.
 laudes Iosephi animum occuparant, vt corpus
 quoque redderent longè purissimum; quasi Beatif-
 sima Virgo vetus illud è diuinis promissis corpori
 Iosephi promitteret: *Laude mea infranabo te, ne in-
 tereas.* Plura de illo Incitam. n. 88. Optimè solari sic
 ægros poterimus, petito à Deipara id eximiè agen-
 di dono, cui Chrysippus Hierosolymitanus ait:
Tecum est vniversus latitiæ thesaurus, armarium vitæ.

355 Francisco Escalantio Coadiutori sic scri-
 bit idem Iosephus Anchietæ: Propitiam valdè, &
 stre-

strenuam habes adiutricem Sanctissimam Virginem
Reginam nostram DEI Matrem. Ne te ab illa ab-
iugas; ipsamque perpetuò roga, ne nos deserat.
Ipsius enim ope omnia poteris. Peto ut huius mi-
seri fratris tui Iosephi in tuis ad ipsam precibus
memineris. Ipse certè, quod narrat Gaspar Tausch,
cùm post horam dimidiam è fundo aquarum fuisset
extractus, rogatusque ecquid interea cogitasset
respondit: Duo hæc; IESVM, & MARIAM, & ne
de flumine biberem. *Ipsa, inquit S. Bonaventura,
est solatium nostrum, & in laboribus subuentio optima.*
Eam ut experiretur P. Æmilianus Garzia, hoc anno
Compluti mortuus, dum de vitæ statu deliberaret,
Deiparæ consiliū per multas afflictationes expetijt,
diebus Sabbati herbis, vel pane tantum, & aquâ
contentus; & lucem obtinuit, ut est in eius vita.

ANNO M D X C V I I I.

356 P. Petrus Canisius hoc anno 1598. exeun-
te obiit. Scripsit de B. Virgine doctos, & pios libros
quinque; de quibus ita Hosius Cardinalis: Nec ob-
liuiscetur operis huius tui tam sancti Virgo sanctis-
sima quam sic ornare scriptis tuis es conatus; ut
vix quisquam sit à quo magis fuerit illustrata. Mi-
hi quidem tam exactè scripta videntur omnia, ut
quid in hoc opere desiderari possit, non videam.
Romæ 25. Ianuarij anno Domi. 1578. Ipse verò Ca-
nisius diuinæ Matris honori doctè ac sanctè inten-
tus vnum Deiparæ honorem curat; hominum iu-
dicia, velut fragiles aranearum telas, nihil. Vocat
illam sacratissimam, neque satis vnquam, vel laui-
datam, vel honoratam, angustissimam Reginam,
eandemque fidelissimam Matrem, quam sine fructu
piè nullus implorat, & cui mortales omnes benefi-
ciorum memoriâ sempiternâ deuincti sunt. Agno-

Literis
hortari
alium ad
B.V. cul-
tum.

Matris
doloros.

pag. 704.
In peri-
culis Ie-
sum, &
Mariam
cogitare.

ps. 72.

De B. V.
scribere.

In fine
libri 5.